

REPUBLIKA E SHQIPËRISË
ENTI RREGULLATOR I ENERGJISË

LICENCË PËR
AKTIVITETIN E TRANSMETIMIT TË GAZIT NATYROR

Licencë Nr:

Vendimi i ERE-s:

Data Efektive:

Lëshuar Personit: **(Emri i Plotë dhe Adresa Ligjore e Personit)**

NUIS: _____

Vendimi i ERE për certifikimin e subjektit _____

Sipas Autoritetit dhënë Entit Rregulator i Energjisë (“ERE”) dhe në përputhje me:

- a. Ligjin nr. 102/2015 “*Për sektorin e Gazit Natyror*” dhe
- b. Rregulloren për procedurat dhe afatet për dhënien, modifikimin, transferimin, ose heqjen e Licencave në sektorin e gazit natyror, miratuar me vendimin e Bordit të ERE-s nr.97, datë 04.07.2017.
- c. Rregullorja mbi procedurat e heqjes licencave në sektorin e energjisë elektrike dhe të gazit natyror e miratuar me Vendimin e Bordit të ERE-s nr. 58, datë 18.04.2017;
- d. Rregullat për certifikimin e operatorit të sistemit të transmetimit për gazin natyror, miratuar me vendimin e ERE-s nr. 100, datë 05.08.2015 dhe ndryshuar me vendimin nr. 129, datë 31.10.2015.
- e. Rregulloren për Organizimin, Funksionimin dhe Procedurat e ERE-s miratuar me Vendimin e Bordit të ERE-s nr. 96, datë 17.06.2016.
- f. Rregullat dhe Rregulloret që kanë të bëjnë me Sektorin e Gazit Natyror.

Enti Rregulator i Energjisë i jep këtë Licencë Transmetimi (“Licence”), për kryerjen e aktivitetit të Transmetimit të Gazit Natyror në Territorin e përcaktuar në këtë Licencë, Personit të sipërpërmendur, këtej e tutje referuar si “i Licensuari”, subjekt i Kushteve të Licencës bashkëlidhur dhe pjesë përbërëse dhe e pandashme e kësaj Licence.

Kjo Licencë së bashku me kushtet e saj bashkëlidhur është e vlefshme prej Datës Efektive të sipërshënuar dhe do të ketë efekt për një periudhë 30 vjeçare, në qoftë se Licenca nuk hiqet nga ERE në zbatim të nenit 27 të Ligjit nr. 102/2015, “*Për Sektorin e Gazit Natyror*” dhe në përputhje me “*Rregulloren për procedurat e heqjes së licencave ne sektorin e energjisë elektrike dhe të gazit natyror*”, si dhe kushtet që përbën kjo Licencë.

Autoriteti Lëshues (ERE)

Kryetari [selia e ERE]
Pranuar prej Personit të Licencuar së bashku me Kushtet e Licencës;
i Licensuari
Përfaqesuesi Zyrtar

**REPUBLIKA E SHQIPËRISË
ENTI RREGULATOR I ENRGJISË**

**KUSHTET E LICENCËS PËR
AKTIVITETIN E TRANSMETIMIT TË GAZIT NATYROR**

Vendimi i ERE Nr.:

Licencë Nr.:

Vendimi i ERE-s:

Data Efektive:

Licencë lëshuar Personit:

(Emri i Plotë dhe Adresa Ligjore e Personit)

NUIS:

Vendimi i ERE për certifikimin e subjektit

PJESA E PARË

Neni 1 Dispozita të Përgjithshme

- a. Në përputhje me Ligjin nr. 102/2015, “*Për Sektorin e Gazit Natyror*”, ERE është i vetmi Autoritet në Republikën e Shqipërisë që ka të drejtën të lëshojë dhe deklarojë vlefshmérinë e kësaj Licence.
- b. Nëse bazuar në një Vendim me shkrim të ERE-s, ndonjë ose disa prej kushteve të kësaj Licence bëhen të pavlefshme, anullohen apo pushojnë së qeni në fuqi, kushti ose kushtet në fjalë duhet të hiqen nga Kushtet e Licencës ndërkohë që Kushtet e tjera të mbeturat të Licencës mbeten efektive dhe me fuqi të plotë.
- c. Nuk lejohet transferim i të drejtave të Licencës apo të aseteve tek asnjë person tjetër, pa aprovimin paraprak me shkrim të ERE-s. Kur aprovon një transferim, ERE mund të modifikojë periudhën e Licencimit dhe ndonjë kusht tjetër të Licences, duke treguar arsyen.
- d. I Licencuari duhet të respektojë ligjet në fuqi, Vendimet e Qeverisë, Rregullat dhe Rregulloret, si edhe vendimet e miratuara nga ERE.
- e. ERE ka të drejtën eskluzive për modifikimin e kësaj Licence në rastin e ndryshimit të kushteve dhe rr Ethanave në përputhje me ndryshimet në ligj, Vendimet e Qeverisë, Rregullat dhe Rregulloret, si edhe vendimet e miratuara nga ERE.
- f. ERE i jep licencë për transmetimin e gazit natyror vetëm një personi juridik, për një territor të caktuar. Përjashtim bëhet vetëm për rastet kur në një territor të caktuar është e domosdoshme të shtrihen dhe të kryejnë veprimtari edhe infrastruktura të transmetimit të gazit me rëndësi strategjike dhe kombëtare, të përcaktuara nga Këshilli i Ministrave.
- g. Dhënia e licencës bëhet mbi bazën e kritereve të eficencës dhe balancës ekonomike për operatorin e sistemit dhe duke siguruar që veprimtaria e të licencuarit të kryhet në përputhje me të drejtat dhe përgjegjësitë e përcaktuara në Ligjin nr. 102/2015, “*Për Sektorin e Gazit Natyror*”.

Termat dhe Përkufizimet e përdorura mbi:

Ligjin nr. 102/2015, “*Per Sektorin e Gazit Natyror*”; “*Rregulloren për procedurat dhe afatet për dhënien, modifikimin, transferimin, ose heqjen e Licencave në sektorin e gazit natyror*”; “*Rregulloren mbi procedurat e heqjes së licencave ne sektorin e energjise elektrike dhe gazit natyror*”; “*Rregulloren për Organizimin, Funksionimin dhe Procedurat e ERE-s*”; “*Rregullat dhe Rregulloret qe i përkasin Sektorit te Gazit Natyror*”, përfshihen në këtë Licensë për çdo qëllim;

Fjalë dhe fraza të tjera, të përdorura në këtë Licencë dhe në Kushtet e Licencës, të cilat nuk përfshihen në ligjet dhe rregulloret e mësipërme, kanë kuptimet si më poshtë vijon:

“Aktivitet i Licencuar” do të thotë aktivitetet e lidhura direkt dhe të nevojshme për operimin dhe perdonimin e Sistemit të Transmetimit në Territorin e Licencës për të transportuar Gazin Natyror dhe aktivitetet e lidhura me komprimimin, matjet, marrjen, depozitim, livrimin, aktivitetet e dispecerimit dhe kontrollit të funksionimit/operimit të Sistemit të Transmetimit, operimi me sistemet e tjera të gazit natyror mjetet dhe burimet e tjera të nevojshme për të siguruar stabilitetin, besueshmérinë, sigurinë dhe funksionimin/operimin efikas të Sistemit të Gazit Natyror.

“I Licencuar” do të thotë Personi i pajisur me një Licencë dhënë nga ERE për të kryer aktivitete në transmetimin e gazit natyror, në përputhje me dispozitat e Ligjit nr. 102/2015 “*Për Sektorin e Gazit Natyror*”.

“Bordi i ERE” ose “Bordi” do të thotë organi vendimarrës i ERE që përbëhet nga pesë anëtarë të emëruar sipas procedurave të parashikuara nga Ligji nr. 43/2015 “Për sektorin e energjisë elektrike” dhe Ligji nr. 102/2015 “Për Sektorin e Gazit Natyror.”

“ERE” do të thotë Enti Rregullator i Enerjisë që vepron në bazë të Ligjit nr. 43/2015 “Për sektorin e energjisë elektrike” dhe Ligjit Nr. 102/2015 “Për Sektorin e Gazit Natyror”

“Licencë” do të thotë një e drejtë e dhënë nga ERE për ushtrimin e një veprimtarie të transmetimit te gazit natyror në përputhje me Ligjin nr. 102/2015 “Për Sektorin e Gazit Natyror”

“Informacion me Ndjeshermi Tregtare” do te thote te dhena ne lidhje me biznesin ose me natyre tregtare te Perdoruesve te Sistemit qe zoterohej nga i Licencuari gjate procesit te ushtrimit te Aktivitetit te Licencuar, te cilat duhet te mbahen konfidenciale.

“Informacion me Avantazh Tregtar” do të thotë informacion i lidhur me aktivitetin e vetë të Licencuarit, i cili duhet të mbahet konfidencial dhe nuk duhet t’ i jepet apo t’ i bëhet i ditur të tjerëve në mënyre diskriminuese.

“Ndër-Subvencionim” do të thotë transferimi i fondeve ose ndarje e kostove ndër llogaritë e të Licencuarit, ose llogaritë e bizneseve të lidhura me qëllim mbështetjen financiare të një aktiviteti apo biznesi, perveç transmetimit të gazit natyror nga të ardhurat e marra nga i Licencuari që kryen Aktivitetin e Licencuar, ose transferimin e shpenzimeve të bëra nga i Licencuari gjatë ushtrimit të Aktivitetit të Licencuar tek ndonjë aktivitet ose biznes tjetër nga ai i transmetimit të gazit natyror.

“Përdorues i Sistemit të Transmetimit ose Përdorues i Sistemit” do të thotë Personi që kryen aktivitet në Sistemin e Gazit Natyror si p.sh: Prodhuesit, Shpërndarësit, Furnizuesit, Tregtarët, Konsumatorët e Kualifikuar lidhur në Sistemin e Transmetimit dhe që përfitojnë nga shërbimet e Transmetimit.

“Procedurat e Licencimit për Sektorin e Gazit Natyror” do të thotë Rregullorja e hartuar nga ERE me titull “Rregullorjen për procedurat dhe afatet për dhënien, modifikimin, transferimin, ose heqjen e Licencave në sektorin e gazit natyror”, miratuar me vendimin e Bordit të ERE-s nr.97, datë 04.07.2017.

“Legjislacioni në fuqi” do të thotë të gjitha standartet, kodet, rregullat, rregulloret, metodologjite dhe çdo vendim ose akt tjeter në fuqi, të miratuar nga ERE dhe autoritete të tjera kompetente sipas Ligjit nr. 102/2015 “Për Sektorin e Gazit Natyror”.

“Sistem i Transmetimit” do të thotë rrjeti i tubacioneve të presionit të lartë, stacionet e kompresorëve, paisjet e matjes si dhe gjithë paisjet dhe impiantet e tjera të nevojshme për kryerjn e aktivitetit të Transmetimit të Gazit Natyror në Territorin e Licencës.

“Tarife e Shërbimeve Ndihmëse” do të thotë pagesa që i Licensuari aplikon ndaj Përdoruesve të Sistemit e përcaktuar nga ERE në përputhje me metodologjinë për llogaritjen e tarifave për shërbimet ndihmëse dhe ato të balancimit, e miratuar nga ERE në përputhje me Ligjin nr. 102/2015, “Për Sektorin e Gazit Natyror”.

“Tarife e Sherbimit te Transmetimit ose Tarife e Transmetimit” do të thotë pagesa që i Licencuari aplikon ndaj Përdoruesve të sistemit e vendosur nga ERE sipas metodologjisë së llogaritjes së tarifave të rrjetit të transmetimit dhe shpërndarjes së gazit natyror miratuar me vendimin nr. 178, datë 08.11.2017 të Bordit të ERE.

“Territori i Licencës” do të ketë kuptimin e përcaktuar në nenin 2 të kësaj Licence.

Neni 2

Territori i Ushtimit të Aktivitetit të Licencuar

1. Në përputhje me legjislacionin në fuqi, Rregullat dhe Rregulloret e zhvillimit të sektorit të gazit natyror në Shqipëri, i Licencuari do të ushtrojë Aktivitetin e Licensuar për Transmetimin e Gazit Natyror në Sistemin e Transmetimit në Territorin e Licencës.
2. Territori i Licencës ku i Licencuari autorizohet të kryejë Aktivitetin e Licencuar, do të jetë i gjithë territori Shqiptar, përfshirë sistemin e transmetimit në vend dhe interkonjekzionet me sistemet fqinje të transmetimit të cilat zoterohej dhe operohen nga i Licencuari.

3. Tubacionet e gazit natyror të cilat përbëjnë sistemin e transmetimit në zoterim dhe operim të të Licencuarit brenda Territorit të Licencës në Datën Efektive të Licencës janë të vendosura tek Shtojca e Kushteve të Licencimit. Mund të paraqiten ndryshime në shtojcë sipas pikës 15 të Kushteve të Licencimit.
4. Territori i Licencës i përcaktuar sipas pikës 2 të nenit 2 duhet të perjashtojë tubacionet e transmetimit dhe/ose interkonjektoret të cilët nuk zotërohen nga i Licencuari dhe operimi i të cilave kryhet nga një operator tjetër i certifikuar dhe licencuar nga ERE.

PJESA E DYTË

Neni 3 **Detyrimet Operacionale të të Licencuarit**

1. I Licencuari autorizohet që sipas kësaj Licence të kryejë Aktivitetin e Licencuar në Territorin e Licencës.
2. Të jetë i certifikuar konform nenit 37 te Ligjt nr. 102/2015, “*Per Gazin Natyror*”, sipas vendimit të ERE-s, si dhe të zbatojë të gjitha detyrimet që burojnë nga certifikimi.
3. I Licensuari do të operojë, përdorë dhe zhvillojë në varësi të kushteve ekonomike një sistem të sigurt, të besueshëm dhe eficient të Transmetimit për të siguruar tregun e gazit natyror në Shqipëri dhe për të siguruar kapacitet të mjaftueshëm për të përbushur kërkeshat e arsyeshme për transmetimin e gazit natyror në Territorin e Licencës dhe mjetet e nevojshme për të përbushur detyrimet e shërbimit.
4. Jo më vonë se 6 muaj nga Data Efektive e kësaj Licence, i Licencuari do të pergatisë dhe dorëzojë për miratim në ERE një propozim të Kodit të Sistemit të Transmetimi sipas Nenit 44 të Ligjt Nr. 102/2015 “Për Sektorin e Gazit Natyror”.
5. I Licencuari do të sigurojë që Sistemi i Transmetimit dhe gjithë tubacionet dhe facilitetet e tjera, perfshirë stacionet e kompresorëve, reduktorët e presionit, matësat dhe çdo paisje tjetër janë ndërtuar dhe mirëmbahen sipas kushteve dhe standarteve teknike në fuqi, rregullat teknike dhe të sigurisë në sektorin e gazit natyror. Ndërtimi dhe përdorimi i tubacioneve të gazit dhe infrastrukturës duhet tu nënshtrohen autorizimeve që kërkohen sipas nenit 11 te Ligjt nr. 102/2015 “Për Sektorin e Gazit Natyror”.
6. I licencuari është i detyruar që pas hyrjes në fuqi të kësaj licence, sipas nenit 46 te Ligjt Nr.102/2015 “Për Sektorin e Gazit Natyror” dhe legjislacionit në fuqi, të përgatisë dhe paraqesë në ERE Planin Dhjetë Vjeçar për Zhvillimin e Rrjetit të Transmetimit, dhe Kushteve të kësaj Licence. I Licencuari duhet të paraqesë në ERE Planin e rishikuar Dhjetë Vjeçar për Zhvillimin e Rrjetit te Transmetimit jo më vonë se data 31 Tetor e çdo viti. Plani Dhjetë Vjeçar për Zhvillimin e Rrjetit të Transmetimit bëhet detyrues për të Licencuarit pasi të jetë konsultuar, miratuar dhe publikuar nga ERE. Zbatimi i Planit Dhjetë Vjeçar për Zhvillimin e Rrjetit të Transmetimit monitorohet, hartohet dhe vendoset në fuqi nga ERE sipas afateve dhe kushteve të përcaktuara në Ligjin nr. 102/2015 “Për Sektorin e Gazit Natyror”. Plani Dhjetë Vjeçar i Zhvillimit të Rrjetit te Transmetimit duhet të bazohet tek furnizimi ekzistues dhe parashikimet me gaz natyror dhe kerkesa në Shqiperi, dhe duhet te përbajë masat për të garantuar përshtatshmërinë e sistemit të transmetimit dhe sigurinë e furnizimit. Plani Dhjetë Vjeçar i Zhvillimit të Rrjetit te Transmetimit duhet të mbajë në mënyrë të veçantë;
 - a. Një përshkrim të situatës aktuale të sektorit të Gazit Natyror në Territorin e Licencës në vend, dhe në rajon.
 - b. Lidhjet aktuale të Sistemit te Transmetimit me sistemet e tjera të transmetimit, depozitim të GNL dhe të shpërndarjes në vend dhe në rajon, kapacitetet e interkoneksioneve, nivelin e ndër-operimit te Sistemit te Transmetimit me sistemet fqinje;

- c. Parashikimin e nevojave për zgjerim e kapaciteteve të Sistemit të Transmetimit dhe aftësive të tij funksionale.
 - d. Rishikim i kongjestioneve aktuale dhe atyre që parashikohen, në sistemin e transmetimit dhe aplikohen për masat e menaxhimit të kongjestioneve;
 - e. Vendndodhet ku është planifikuar të zhvillohet ose ndërtohet Sistemi i Transmetimit të Gazit Natyror dhe ne se e nevojshme ndryshimet ne Territorin e Licences per t' u miratuar nga ERE;
 - f. Informacion mbi infrastrukturën e sistemit kryesor të transmetimit që duhet të ndërtohet ose përditësohet për dhjetë vitet e ardhshme;
 - g. Investimet e miratuara për sistemin e transmetimit dhe investimet e reja të cilat parashikohen të kryhen për tre vitet e tjera;
 - h. Afatet kohore të kryerjes të investimeve dhe
 - i. Burimet financiare për zbatimin e planit.
7. Gjatë shtjellimin e Planit Dhjetë Vjeçar për Zhvillimin e Rrjetit të Transmetimit, i Licencuari duhet të bëjë parashikime të arsyeshme në lidhje me prodhimin, furnizimin, konsumin dhe shkëmbimin e gazit natyror me vendet e tjera duke patur në konsideratë investimet e planifikuara për sistemet e interkonjektuara si dhe hapësirat e parashikuara dhe zhvillimet e GNL.
8. Në kushtet kur i Licencuari, me përjashtim te arsyeve jashtë kontrollit të tij, nuk kryen një investim, i cili, sipas planit Planin Dhjete Vjecar te Zhvillimit te Rrjetit te Transmetimit duhet të ishte kryer në vitin në vijim, ERE do të ndërmarrë vendimet e nevojshme ne përputhje me nenin 46 te Ligjit nr. 102/2015 “Për Sektorin e Gazit Natyror” dhe legjislationi në fuqi.
9. I Licencuari do të lejojë hyrjen e paleve të treta në Sistemin e Transmetimit sikurse percaktuar më tej në nenin 9 të Kushteve të kësaj Licence.
10. I Licencuari nuk do të pengojë ose tentojë të pengojë pjesëmarrësit e tjerë të tregut, apo konkurrentë të ndryshëm që synojnë të angazhohen në :
- a. Një biznes të Gazit Natyror në Republikën e Shqipërise; apo
 - b. Import ose eksport të Gazit Natyror në ose nga Republika e Shqipërisë.
11. I Licencuari nuk do të vodosë pagese tjetër për Shërbimet e Transmetimit dhe Shërbimet Ndihmëse, përvèç Tarifes se aprovuar nga ERE.
12. I Licencuari nuk do të angazhohet në Ndër-subvencionime. Në përputhje me Nenin 30 të Ligjit Nr.102/2015, “Për Sektorin e Gazit Natyror” dhe legjislatonit në fuqi, i Licencuari duhet të mbajë llogari të ndara për secilën nga aktivitetet e Licencuara që ai ushtron dhe llogari të ndara për aktivitetet tjera, të cilat mund të konsolidohen, në mënyre të tillë që të bindë ERE-n dhe çdo autoritet tjetër kompetent se nuk ka ndër – subvencionime, nuk cënon konkurrencën në treg dhe nuk ndikon në aktivitetin e të licencuarit. I Licencuari duhet të hartojë, paraqesë për auditim dhe publikojë kontrollet vjetore sipas termave dhe kushteve të përcaktuara në ligjet që aplikohen në Shqipëri dhe në përputhje me standartet ndërkombëtare të kontabilitetit.
13. I Licencuari nuk do të angazhohet në asnjë formë monopolji ose aktivitete të tjera që dëmtojnë konkurrencën. Kjo nuk duhet te cënojë autorizimin ekskluziv të dhënë për të Licencuarin për të kryer Aktivitetin e Licencuar në Territorin e Licencuar sipas Nenit 23(2) të Ligjit Nr. 102/2015 “Për Sektorin e Gazit Natyror” dhe pikës 3 të këtyre Kushteve të Licencimit.
14. Gjatë kryerjes së Aktivitetit të Licencuar, i Licencuari është përgjegjës për sigurinë e shëndetit dhe jetës së njerëzve, të pronës së tyre si dhe për dëmitimin e ambjentit në përputhje me legjislatonin në fuqi, ku përfshihen rregullat teknike dhe ato të sigurisë në sektorin e gazit natyror dhe Rregullat dhe Rregulloret e miratuara nga ERE. I Licencuari do të lidhë dhe mbajë kontrata sigurimi, me shoqëri sigurimi të Licencuara sipas legjislatonit ne fuqi, me limit detyrimesh jo më pak se 10 Milion \$, për të mbuluar detyrimet e te Licencuarit që lidhen me këtë Licencë dhe sipas Legjislatonit ne fuqi. ERE dhe Shteti Shqiptar do të perfshihen si të siguruar shtesë në politikat e sigurimit pa kosto shtesë për ERE dhe Shtetin Shqiptar.

15. Ne qofte se i Licencuari perballat ose parashikon një situatë emergjence që kërcënnon jeten ose shendetin e njerezve, ose sigurine e pronës së tyre, ambientin, qëndrueshmérinë e Sitemit të Transmetimit ose sigurinë e furnizimit, atëherë i Licencuari ndërrmerr hapat e nevojshme për për të përmirësuar ose parandaluar ndikimet e situatës emergjente aktuale ose te pritshme sipas Ligjit Nr. 102/2015 “Për Sektorin e Gazit Natyror”, Planet e Energjencës të miratuara nga Këshilli i Ministrave, Kodin e Rrjetit te Transmetimit, rregullat teknike dhe të sigurisë në sektorin e gazit natyror dhe/ose legjislacionit në fuqi. Pa vonesë në vijim i Licencuari duhet të njoftojë ERE-n dhe çdo autoritet tjetër të nevojshëm për situatën emergjente dhe veprimet ose planet e të Licencuarit për menazhimin e kësaj situate.
16. I Licencuari nuk do të angazhohet i vetëm ose së bashku me Persona të tjera, në aktivitete të cilat kanë për qëllim ose mund të dëmtojnë natyrën e drejtë, të hapur dhe jo diskriminuese të Sitemit te Transmetimit dhe Tregut te Gazit Natyror. I Licencuari mund të bashkëpunojë me Persona të tjera në aspekte të sigurisë, qëndrueshmérissë dhe përmirësimit të Sitemit të Transmetimit, pa ndikuar tek pavarësia e detyrueshme dhe ndarja sipas neneve 35 dhe 36 të Ligjit Nr. 102/2015 “Për Sektorin e Gazit Natyror”, si dhe përgjegjësinë ekskluzive për të kryer Aktivitetin e Licencuar sipas termave dhe kushteve të përcaktuara në Ligjin Nr. 102/2015 “Për Sektorin e Gazit Natyror”, legjislacionit në fuqi dhe Kushteve të kësaj Licencimit.
17. I Licencuari kryen aktivitetin e Licencuar, zhvillon politika dhe programe, si edhe merr masat e nevojshme për përmirësimin dhe nxitjen e eficencës ekonomike dhe operacionale të Sitemit të Transmetimit dhe siguron që Furnizimi me Gaz Natyror të kryhet në përputhje me kërkesat praktikat e legjislacionit Shqiptar dhe standartet Europiane lidhur me cilësinë e shërbimit dhe qëndrueshmérinë e Sitemit te Transmetimit.
18. I Licencuari nuk do të përfshihet në aktivitete që në mënyrë direkte ose të tërthortë ndikojnë në performancën e aktivitetit të tij. I Licencuari duhet të informojë ERE-n në rast se ka qëllim të:
 - a. angazhohet në aktivitete të tjera, pervec Aktivitetit te Licencuar; ose
 - b. të ngrejë një Biznes shoqëruar.

ERE mund të ndalojë ose të vendosë kushte të veçanta për angazhimin e te Licencuarit në aktivitete të ndryshme nga ai i licencuar dhe për ngritjen e Bizneseve shoqëruese, për të mbrojtur përdoruesit e sistemit dhe shmangjen e Ndër-Subvencionimeve.

19. I Licensuari është i autorizuar të faturojë pagesa për ofrimin e Shërbimeve të Transmetimit dhe Shërbimeve Ndihmëse sipas Tarifave të miratuara nga ERE.
20. I Licencuari nuk është përgjegjës për mosplotësimin e Kushteve të Licencës në rastin e ndodhjes së Forcës Madhore, në masën dhe për periudhën në të cilën Forca Madhore nuk lejon plotësimin e Kushteve te Licences. Ne rastin e Forces Madhore i Licencuari duhet te njoftoje menjëherë ERE-n dhe Përdoruesit e tjerë të Sitemit, me të cilët ka lidhur kontratë. I Licencuari do të rivendosë shërbimin e ndërprerë sipas termave dhe kusteve të përcaktuara në Kodin e Rrjetit te Transmetimit, dhe legjislacionit në fuqi.

Neni 4 **Kontrolli i Centralizuar dhe Koordinimi i Sitemit të Transmetimit**

1. I Licencuari duhet të drejoje dhe koordinojë operimin e Sitemit te Transmetimit në perputhje me Kodin e Sistemin të Transmetimit, Rregullat dhe Rregulloret e miratuara nga ERE.
2. Për sigurimin e koordinimit te Aktivitetit te Licencuar dhe operimin efektiv e të qëndrueshëm të Sitemit të Transmetimit, i Licencuari instalon, përdor dhe miremban pajisjet e nevojshme për mbrojtjen e Sistemit të Transmetimit nga gabimet operacionale, humbjet e linjës, apo cdo ngjarje tjeter te mundshme, e cila mund te kete efekt te demshem ne Sistemin e Transmetimit, ose pajisjet e instalimet e lidhura me të.

3. I Licencuari do të ofrojë shërbimin e transmetimit dhe Shërbimet Ndihmëse në përputhje me Kodin e Sistemit të Transmetimit dhe legjislacionit në fuqi.
4. I Licencuari duhet të planifikojë dhe të marrë masat për sigurimin e furnizimit me gaz natyror, sipas standardeve të vendosura në Planin e Emergjencave, sipas Nenit 6 të Ligjit Nr.102/2015 “Për Sektorin e Gazit Natyror”, dhe duhet të jetë përgjegjës për sigurimin e furnizimit me gaz natyror në përputhje me kompetencat e tij gjatë ushtrimit të aktivitetit.

Neni 5 Ndryshimet në Sistemin e Transmetimit

1. I Licensuari do të njoftojë menjëherë ERE-n për çdo rrethanë që çon në ndryshime të rëndësishme të kapacitetit transmetues të linjave dhe stacioneve të kompresoreve të Sistemit të Transmetimit, për një periudhë më të gjatë se tridhjetë (30) ditë dhe do t'i paraqesë ERE-s opinionin e tij për zgjidhjen më të përshtatshme për të reduktuar ndikimin e dëmshëm.
2. I Licensuari do të informojë ERE-n për planet për reduktimin e presionit të tubacioneve ose të pajisjeve të Sistemit të Transmetimit të paktën dympëdhjetë (12) muaj para reduktimit të planifikuar dhe do t'i paraqesë ERE-s një shpjegim të detajuar të veprimeve dhe masave që do të merren për të zvogëluar ndikimin negativ të mundshëm.
3. I Licencuari nuk do të lidhë kontrata për të cilat është ose duhet të jetë në dijeni të pasojave që përbëjnë shkelje të Kushteve të Licencës.
4. I Licencuari mund të pezullojë shërbimet e Sistemit të Transmetimit për një apo më shumë Përdorues të Sistemit, për një periudhë kohe, kur veprimi apo mosveprimi i një Personi rrezikon qëndrueshmërinë, sigurinë dhe cilësinë e shërbimeve të Transmetimit për Përdoruesit e tjerë të Sistemit të Transmetimit, ose mund të pengojë përbushje të Kushteve të Licencës. I Licencuari, pa vonesë duhet të njoftojë ERE dhe ndonjë Person tjetër të prekur nga kjo situatë, lidhur me veprimet e pezulluara sipas këtij paragrafi. Këto njoftime duhet të përbajnë një opinion të argumentuar në lidhje me natyrën, madhësinë dhe periudhën e zgjatjes së këtyre pezullimeve. I Licencuari në zbatim të Kodit të Rrjetit të Transmetimit dhe legjilsacionit në fuqi duhet të rivendos ofrimin e shërbimeve që janë pezulluar.
5. I Licencuari kryen balancimin e sistemit, mbështetur në parime objektive, transparente e jodiskriminuese, në përputhje me rregullat balancuese sipas Nenit 34 të Ligjit Nr. 102/2015 “Për Sektorin e Gazit Natyror”. Çmimet për ofrimin e shërbimeve të balancimit do të përcaktohen në bazë të metodologjisë së miratuar nga ERE.
6. I Licencuari siguron ofrimin e shërbimeve të sistemit në mënyrë transparente dhe jodiskriminuese, në bazë të parimit të kostos më të ulët dhe ndikimit mjedisor më të ulët.
7. I Licencuari zbaton dhe publikon mekanizmat jo-diskriminues dhe transparente për ndarjen e kapaciteteve dhe procedurat për menaxhimin e kongjestioneve sipas nenit 45 të Ligjit nr. 102/2015 “Për Sektorin e Gazit Natyror” dhe Kodi i Rrjetit të Transmetimit.
8. I Licencuari ndërton kapacitete të mjaftueshme ndërkufitare për të integruar sistemin e transmetimit të gazit natyror të Shqipërisë me sistemin analog të vendeve anëtare të BE-së dhe palëve kontraktuese të Komunitetit të Energjisë, duke përbushur të gjitha kërkësat e nevojshme ekonomike dhe teknike të realizueshme për kapacitetin, si dhe duke marrë parasysh sigurinë e furnizimit me gaz.
9. I Licencuari i siguron çdo përdouesi të sistemit të transmetimit, OSSH-së, operatorit të impiantit të depozitave, operatorit të impiantit të GNL-së, OST-së fqinje ose shoqërive të tjera të licencuara në sektorin e gazit natyror informacion të mjaftueshëm se transporti dhe depozitimi i gazit natyror do të jetë në përputhje me mundësinë për të siguruar ndërveprimin e sigurt dhe eficient të sistemeve të ndërlidhura.
10. I Licencuari i siguron përdoruesve të sistemit informacion të hollësishëm, të kuptueshëm dhe të arritshëm për shërbimet e ofruara, kushtet e shërbimit dhe informacionin e nevojshëm teknik për përdoruesit e rrjetit, për t'u mundësuar një akses efektiv në rrjet, përfshirë, por pa kufizuar,

kapacitetet teknike të kontraktuara dhe të disponueshme, në përputhje me informacionin konfidential të përjashtimeve, informacionin konfidential për përjashtimet, të miratuar nga ERE.

11. I Licencuari siguron energji për kryerjen e funksioneve të tij, sipas procedurave transparente, jodiskriminuese dhe në përputhje me tregun.
12. I Licencuari ruan dhe vendos në dispozicion të autoriteteve përgjegjëse të gjithë informacionin e përmendur në nenin 48, të ligjit nr. 102/2015 “Për Sektorin e Gazit Natyror”, për një periudhë pesë vjeçare. Ky informacion duhet të vendoiset në dispozicion edhe të Sekretariatit të Komunitetit të Energjisë;
13. I Licencuari ndërmerr të gjithë masat e nevojshme që të drejtat e kapaciteteve të jenë lirisht të tregtueshme, duke marrë në konsideratë që ky proces të kryhet në mënyrë transparente dhe jodiskriminuese. I Licencuari harton kontrata të harmonizuara të transportit dhe procedurat për tregun primar, me qëllim lehtësimin e tregut sekondar të kapaciteteve dhe pranimin e transferimit të të drejtave të kapaciteteve fillestare të njoftuara nga përdoruesit e sistemit. Këto kontrata të harmonizuara dhe procedura i njoftohen EREs.
14. I Licencuari ruan konfidencialitetin e çdo informacioni të ndjeshëm tregtar.
15. I Licencuari ushtron aktivitetin e tij në përputhje me standartet minimale teknike të miratuara nga ministria përgjegjëse për energjinë, për mirëmbajtjen, zhvillimin, inspektimin teknik të sistemit të transmetimit të gazit natyror dhe kapacitetin ndërlidhës sipas Ligjit nr.102/2015 “Për Sektorin e Gazit Natyror”.
16. I Licencuari vendos dhe zbaton programin e pajtueshmërisë duke përcaktuar masat e marra për të siguruar përjashtimin e sjelljes diskriminuese, sipas miratimit nga ERE, dhe emëron një zyrtar pajtueshmërie sipas nenit 47 të Ligjit Nr. 102/2015 “Për Sektorin e Gazit Natyror”.
17. I Licencuari nxit, lehtëson dhe siguron bashkëpunim rajonal dhe ndërkombëtar sipas nenit 49 të Ligjit Nr. 102/2015 “Për Sektorin e Gazit Natyror”.
18. I Licencuari kryen detyrat e tjera të përcaktuara brenda kushteve të kësaj licence, sipas Ligjit Nr. 102/2015 “Për Sektorin e Gazit Natyror”, si dhe legjislacionit në fuqi.

Neni 6

Detyrimet për Raportim të të Licencuarit

1. Deri në datën 15 Shkurt të çdo viti, i Licencuari dërgon në ERE një raport për aktivitetin operacional për vitin paraardhës. ERE mundet të vendosë kushte të veçanta për formën e raportimit.
2. Raporti Vjetor, do të paraqesë analizën e veprimtarisë operacionale të të Licencuarit dhe do të trajtojë minimalisht çështjet që vijojnë:
 - a. Volumin e gazit natyror të transmetuar gjatë vitit parardhës (sasia totale e gazit natyror të transmetuar, numrin e përdoruesve të shërbyer) si dhe krahasime me vitet pararendëse;
 - b. Masat e marra gjatë vitit për të cilin raportohet për:
 - i. mbrojtjen e mjeteve dhe pajisjeve nga ndikimet e jashtme dhe difektet dhe sigurimin e mjeteve dhe pajisjeve të nevojshme për Aktivitetin e Licencuar;
 - ii. sigurinë në punë;
 - iii. mbrojtjen e ambientit dhe shëndetit të njerëzve;
 - iv. monitorimin e operimit të Sistemit të Transmetimit;
 - v. plotësimin e kushteve për një aktivitet të qëndrueshëm, të vazhdueshëm dhe me cilësi;
 - vi. plotësimin e kushteve për eficencën e përdorimit të Gazit; dhe
 - vii. analizën e rasteve të emergencës dhe masave parandaluese.

- c. Realizimin e Planit Dhjetë –Vjeçar të Zhvillimit të Rrjetit të Transmetimit, të miratuar nga ERE për vitin paraardhës.
 - d. Zbatimin e programit të riparimeve dhe mirëmbajtjes në vitin raportues.
 - e. Inspektimet, supervizimet dhe kontrolllet e kryera nga organet kompetente, duke i shoqëruar me fotokopje të raporteve, analizave dhe vendimeve përkatëse;
 - f. Një parashikim paraprak 10 – vjeçar të planit të zhvillimit të rrjetit të transmetimit i cili do të zbatohet konform pikës 4.6 të kushteve të kësaj licence.
 - g. Realizimin e detyrimit për të mbajtur të informuar konsumatorët dhe masat e marra për përmirësimin e cilësisë së shërbimit.
 - h. Të dhëna të tjera dhe informacion tjetër që kërcohët për paraqitjen sipas kërkesave të miratuara të ERE-s për monitorimin dhe raportimin.
3. Në cdo kohë, i licencuari duhet të disponojë dhe të vendosë në dispozicion të ERE të dhëna të sakta mbi:
- Vendndodhjen e instalimeve dhe gjurmën e tubacioneve, përfshirë hartën Topografike;
 - Zonën gjeografike të mbuluar;
 - Kapacetetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlidhjet e tij me rrjetet e tjera të Transmetimit dhe Shpërndarjes, impiantet e magazinimit, prodhimit dhe terminalët e GNL;
 - Volumet e projektuara për t'u përpunuar sipas vlerësimeve të tij;
 - Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen;
 - Presionet e punës të projektuara mbështetur në vlerësimet e tij;
 - Kategoritë e konsumatorëve dhe livrimet e projektuara.
 - Vendndodhjet e matësve dhe specifikimet;
 - Planet e aromatizimit përfshirë vendndodhjet;
 - Dëshmi të kontratave/angazhimeve;
 - Programin e punës për zbatimin e projektit dhejeta e pritshme e projektit;
 - Sasia mesatare e gazit natyror që parashikohet për t'u transmetuar gjatë një viti mbështetur në një program tipik mujor.

Neni 7 **Raportimi Financiarë**

1. I Licensuari mban libra llogarie dhe përgatit bilance financiare, të cilat do të mbahen të ndara për Aktivitetin e Licencuar si dhe për çdo aktivitet tjetër (përfshirë aktivitete të tjera të Licencuara) ku është angazhuar i Licencuari, Neni 30 i Ligjit Nr. 102/2015 “Për Sektorin e Gazit Natyror”, në përputhje me udhëzimet për veçimin e llogarive të miratuara nga ERE dhe në përputhje me Ligjin nr. 9228, datë 29.04.2004 “Për kontabilitetin dhe pasqyrat financiare”. Deri në datën 30 Qershor të çdo viti, i Licensuari dorëzon në ERE pasqyrat financiare të audituara të shoqëruara me:

- Bilancin;
 - Pasqyra e të ardhurave dhe shpenzimeve;
 - Pasqyra e ndryshimeve në kapital;
 - Pasqyra e fluksit të parasë;
 - Shënimet shpjeguese.
2. I Licensuari do të ndajë shpenzimet e përbashkëta midis Aktivitetit të tij të Licencuar dhe tipeve të tjera të aktiviteteve (përfshirë aktivitetet e autorizuara nga leje të tjera apo Koncesione) në bazë të arsyeshme, në përputhje me Rregullat dhe Rregulloret e ERE-s dhe praktikat e biznesit përgjithësisht të pranuara. Në përputhje me kërkesat e pikës 4.10 të kushteve të kësaj licence dhe me kërkesë të ERE-s, i Licencuari dorëzon në ERE Pasqyrat Financiare të audituara të cilat mbulojnë të gjitha aktivitetet e të Licencuarit dhe që tregojnë se nuk ka ndër-subvencionime në lidhje me Aktivitetin e Licencuar. Me kërkesë të ERE-s, i Licencuari dorëzon në ERE edhe shpjegimet që justikojnë bazat për alokimin e shpenzimeve të përgjithshme të kryera nga i Licencuari.

Neni 8 Njoftimet

1. I Licencuari duhet të njoftojë ERE-n brenda 10 (dhjetë) ditëve për çdo ndryshim në:
 - a) Adresën Zyrtare;
 - b) Statutin e të Licencuarit;
 - c) Çertifikatën e Regjistrimit;
 - d) Kodin Fiskal;
 - e) Përfaqësuesit Zyrtar apo Organet e tjera Drejtuese;
 - f) Ndryshimin e strukturës së aseteve nga 10%, ose më tepër;
 - g) Çdo ndryshim tjetër në organizimin dhe operimin e të Licencuarit, të cilat mund të ketë një ndikim të rëndësishëm në aktivitetin e të Licencuarit.
2. Gjithë njoftimet zyrtare, aplikimet, peticionet, pretendimet ose korrespondanca tjetër me ERE lidhur me Licencën duhet të jete me shkrim dhe të nënshkruara respektivisht nga një zyrtar i autorizuar ose përfaqësues i caktuar i të Licencuarit dhe ERE-s, sipas rastit dhe të dërgohet me korrier ose postë të regjistruar, duke kërkuar një verifikim të fletës së marrjes së njoftimit. Adresat e palëve duhet të vendosen mbi zarf. Gjithë njoftimet ose korrespondanca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të dërguesit, nga momenti i prezantimit.

Pjesa e Tretë

Neni 9

Aksesi i Palëve të Treta në Sistemin e Transmetimit dhe Përjashtimi prej kësaj të Drejte

1. Në përputhje me nenin 42 të Ligjit Nr. 102/2015, “Për Sektorin e Gazit Natyror”; Kodin e Rrjetit të Transmetimit dhe legjislacionin në fuqi, i Licencuari do të sigurojë hyrjen e Palëve të Treta në Sistemin e Transmetimit në Territorin e Licencës të Përdoruesve të Sistemit në mënyrë të drejtë, transparente dhe pa diskriminim.
2. I Licencuari mund të refuzojë aksesin në sistemin e transmetimit vetëm në rr Ethanat e parashikuara në nenin 43 të Ligjit Nr. 102/2015 “Për Sektorin e Gazit Natyror”.
3. Në rast të ndërtimit të infrastrukturave të reja ose zgjerimit të konsiderueshëm të kapaciteteve ekzistuese të Sistemit të Transmetimit në Territorin e Licencës, i Licencuari mund të kërkojë që ERE ta përjashtojë nga detyrimi i të drejtës së aksesit të palëve të treta në përputhje me nenin

78 të Ligjit Nr. 102/2015 “Për Sektorin e Gazit Natyror” dhe Rregullat dhe Rregulloret e miratuara prej ERE.

Neni 10 **Braktisja dhe Rehabilitimi**

1. Në përputhje me Rregullat dhe Rregulloret në fuqi, i Licencuari braktis pajisjet dhe impiantet dhe rehabiliton vendndodhjen e paisjeve dhe mjedisin përreth në rastet kur:
 - a. pajisjet dhe impiantet janë jashtë shërbimi, të dëmtuara dhe nuk janë riparuar përgjatë një periudhe prej 12 (dymbëdhjetë) muaj kalendarike, dhe;
 - b. I Licencuari nuk ka njoftuar ERE-n që ai ka ndërmend të përdorë, riparojë apo zëvendësojë këto pajisje dhe impiante.
2. I Licencuari duhet të ndërmarrë menjëherë veprimet e nevojshme për zhvendosjen e pajisjeve të braktisura dhe të bëjë restaurimin e zonës në kushtet që ajo ka qenë para fillimit të ushtrimit të aktivitetit të Licencuar dhe të riparojë çdo dëm të ambjentit të shkaktuar si rezultat i veprimitarisë së të Licencuarit.
3. Të gjitha shpenzimet për braktisjen e pajisjeve apo faciliteteve dhe rehabilitimin e zonës dhe ambjentit janë në llogari të të Licencuarit.
4. I Licencuari do të mbajë ERE-n dhe Shtetin Shqiptar jashtë çdo kostoje zhdëmtimi dhe përgjegjësie tjetër, përfshirë rehabilitimin e dëmtimeve mjedisore të shkaktuara ose që kanë ardhur si pasojë e gabimeve të të Licencuarit në ushtrimin e aktivitetit sipas kësaj Licence.

Pjesa e Katërt

Neni 11 **Pagesat Rregullatore**

I Licencuari duhet të paguajë në ERE pagesat në mënyrë të rregullt gjatë gjithë kohës së mbajtjes së Licencës, në përputhje me nenin 14 të Ligjit Nr. 102/2015 “Për Sektorin e Gazit Natyror” dhe Rregullave dhe Rregulloreve të ERE-s. Në qoftë se i Licencuari nuk paguan këto pagesa në sasinë dhe kohën e caktuar atëherë ai penalizohet sipas legjisacionit në fuqi.

Neni 12 **Tarifat**

1. Tarifa për shërbimet e transmetimit të të Licencuarit dhe Tarifa e Shërbimeve Ndihmëse, duhet të rregullohet dhe miratohet nga ERE sipas metodologjisë përkatëse.
2. Tarifa e Transmetimit e aprovuar nga ERE do të vendoset për të siguruar të Licencuarin me:
 - a) Të ardhura të mjaftueshme për mbulimin e niveleve të arsyeshme të kostove, përfshirë koston e kapitalit;
 - b) Sigurimin e një norme të arsyeshme fitimi, dhe
 - c) Nxitje (insentiva) për reduktimin e kostove dhe operimin në mënyrë më eficiente.
3. Për sasinë e gazit natyror të transmetuar nga i Licencuari, si edhe për Shërbimet Ndihmëse i Licencuari autorizohet të vendosë pagesa për të gjithë Përdoruesit e Sistemit të Transmetimit

me kusht që këto pagesa të jenë sipas tarifës së aprovuar nga ERE. Vlera e këtyre pagesave përcaktohet mbi bazën e vendosjes së tarifave dhe sasinë e gazit të regjistruar në matësat e instaluar në:

- a) Kufirin e Sistemit të Transmetimit dhe Sistemit të Shpërndarjes;
 - b) Kufirin e Sistemit të Transmetimit dhe Konsumatorëve të cilët marrin lidhje direkt me Sistemin e Transmetimit;
 - c) Interkonjekzionet me Sistemet e tjera të Transmetimit.
4. Bazuar në aplikimin e të Licencuarit ose me iniciativën e saj, ERE mund të rishikojë Tarifën e Transmetimit dhe/ose Tarifën e Shërbimeve Mbështetëse dhe t'i ndryshojë ato, në përputhje me legjislacionin në fuqi dhe Metodologjitetë përkatëse.

Neni 13 **Matja dhe Sistemi i Raportimit**

1. I Licensuari do të regjistrojë në bazë orare, gjithë volumet e Gazit Natyror që hyjnë ose dalin nga Sistemi i Transmetimit. Në vendet ku nuk ka matës ose kur matesat nuk regjistrojnë në mënyrë korrekte, i Licencuari do të përcaktojë sasitë orare të gazit të transmetuar, në përputhje me Kodin e Sistemit të Matjes, miratuar nga ERE dhe do të ndërmarrë pa vonesë masa për instalimin ose riparimin e pajisjeve të nevojshme matëse.
2. I Licencuari mban raporte të detajuara mujore për sasitë e gazit që hyjnë dhe dalin në Sistemin e Transmetimit, Operimin e Sistemit të Transmetimit, Balancimin, Shërbimet Ndihmëse dhe detaje të tjera të Sistemit të Transmetimit.
3. I Licencuari u dorëzon mbi baza mujore të gjithë Përdoruesve të Sistemit të Transmetimit, me të cilët ka lidhur kontrata për sigurimin e Shërbimeve të Transmetimit, të dhëna lidhur me Sasinë e Gazit të transmetuar, në përputhje me kontratën e lidhur me çdo Përdorues.

Pjesa e Pestë

Neni 14 **Monitorimi i Performancës të Aktivitetit të Licencuar**

1. ERE monitoron të Licencuarin lidhur me zbatimin e kushteve të Licencës, shqyrton raportet e të Licencuarit dhe, kur e shikon të arsyeshme, ERE inspekton asetat, llogaritë apo të dhëna të tjera dhe kërkon auditimin e aktiviteteve të të Licencuarit. Kostot e auditimeve janë për llogari të të Licencuarit. Për këtë qëllim, ERE midis të tjera duhet të ketë akses të pakufizuar tek llogaritë e të Licencuarit, sipas nenit 30 dhe 31 të Ligjit Nr. 102/2015 “Për Sektorin e Gazit Natyror”.
2. ERE monitoron pajtueshmërinë e të Licencuarit me kërkesat për ndarjen dhe pavarësinë, sipas nenit 39 të Ligjit 102/2015 “Për Sektorin e Gazit Natyror”. Sipas kushteve të parashikuara në Ligj, ERE ka të drejtën të rishikojë vendimin e çertifikimit të të licencuarit dhe kur është e nevojshme të rihapë procedurën e çertifikimit, sipas nenit 40 të Ligjit 102/2015 “Për Sektorin e Gazit Natyror”. Me hapjen e procedurës së çertifikimit, ERE mund të vendosë për modifikimin ose heqjen e Licencës sipas Ligjit Nr.102/2015 “Për Sektorin e Gazit Natyror”, dhe legjislacionit në fuqi.
3. Në vijim të një ankesë të argumentuar të një pale të tretë, apo me iniciativen e vet, ERE mund të fillojë një investigim të pajtueshmërisë së aktivitetit të të Licencuarit me Kushtet e Licencës dhe Rregullat dhe Rregulloret e ERE.

4. I Licencuari duhet të sigurojë akses të plotë përfaqësuesve të autorizuar të ERE në dokumentacionin dhe raportet e të Licencuarit pér të kontrolluar aktivitetin e Licencuar në përputhje me Rregullat dhe Rregulloret e miratuara nga ERE. I Licencuari duhet të jape të gjithë ndihmën e nevojshme gjatë procesit të kontrollit.
5. Në qoftë se pas investigimit, ERE arrin në përfundimin që i Licencuari nuk ka përmbushur Kushtet e Licencës, ERE mund të rishikojë tarifën e të Licencuarit dhe/ose merr masat e nevojshme në përputhje me Ligjin Nr.102/2015 “Për Sektorin e Gazit Natyror”, Rregullat dhe Rregulloret, me qëllim mbrojtjen e interesave të Përdoruesve të Sistemit të Transmetimit dhe konsumatorëve të Gazit Natyror.
6. I Licencuari duhet të informojë ERE pér çdo shkelje të Kushteve të Licencës brenda 7 (shtatë) ditëve kalendarike nga dita e marrjes dijeni të një fakti të tillë.
7. I Licencuari duhet të zbatojë të gjitha vendimet e marra nga ERE, përfshirë pagesat e gjobave të vendosura nga ERE, në përputhje me legjislacionin në fuqi.

Neni 15 Cilësia e Shërbimit

1. I Licencuari është i detyruar të:
 - a) sigurojë shërbim cilësor të transmetimit të gazit natyror që lidhet me vazhdueshmërinë e livrimit si dhe cilësinë e gazit natyror që hyn në Sistemin e Transmetimit dhe ruajtjen e cilësisë së tij deri në daljen nga Sistemi.
 - b) të hartojë një metodologji pér standardet dhe monitorimin e cilësisë së gazit natyror në pikat e hyrjes dhe të daljes të Sistemit të Transmetimit, si pjesë e Kodit të Rrjetit të Transmetimit të miratuar nga ERE, dhe
 - c) të monitorojë në vijimësi cilësinë e gazit të transmetuar dhe të dorëzojë pranë ERE-s raporte periodike, në përputhje me Metodologjinë e aprovuar.
2. I Licensuari do të sigurojë dhe përmbushë cilësinë dhe nivelin e mirëmbajtjes së sistemit të transmetimit, siç përcaktohet nga Ministria përgjegjëse pér Energjinë si dhe kërkesat dhe standartet minimale pér cilësinë e shërbimit të përcaktuara nga ERE si dhe të ofrojë shërbimet sipas specifikimeve të cilësisë dhe kushteve të vendosura në Kodin e Rrjetit të Transmetimit.

Neni 16 Konfidencialiteti i Informacionit

1. I Licencuari duhet të sigurojë që çdo informacioni i marrë si rezultat i ushtrimit të Aktivitetit të Licencuar nuk do t'i bëhet e ditur askujt me përjashtim të rasteve:
 - a) Informacioni duhet të bëhet me dije gjatë kryerjes së Aktivitetit të Licencuar, në përputhje me kërkesat e transparencës të përcaktuara në nenin 48 të Ligjit Nr. 102/2015 “Për Sektorin e Gazit Natyror” dhe pa ndikuar në detyrimet e të Licencuarit pér të ruajtur konfidencialitetin e Informacionit të Ndjeshëm Tregtar;
 - b) Të Licesuarit i kërkohet të deklarojë informacionin në përputhje me Kushtet e Licencës;
 - c) Është vendosur nga ERE;
 - d) Jepet pëlqimi paraprak me shkrim i Personit me të cilin lidhet informacioni;
 - e) Me vendim të Gjykatës, dhe zbatimin e legjislacionit në fuqi;
 - f) Në qoftë se informacioni është bërë publik.
2. I Licensuari do të sigurojë që çdo biznes shoqërues nuk do të përdorë asnjë informacion të të Licensuarit pér të fituar një avantazh konkurrues të pajustifikuar dhe do të sigurojë që nuk do të përhapë asnjë informacion tek ndonjë Person tjetër (përfshirë Biznese të tjera të Lidhura) që mund ta mundësojnë këtë Person të arrijë përsitim tregtar të pajustifikuar.

3. Çdo Informacion me Avantazh Tregtar që i përket të Licencuarit duhet të shpërndahet në mënyrë transparente dhe jo diskriminuese dhe duhet të jetë i aksesueshëm lehtësisht dhe në mënyrë të barabartë nga të gjithë Përdoruesit aktualë dhe të mundshëm të Sistemit si dhe palët e tjera të interesuara. Shpërndarja e Informacionit me Avantazh Tregtar duhet të kryhet për të parandaluar trajtimin preferencial të Përdoruesve individualë të Sistemit ose palëve të tjera të interesuara, në lidhje me fushën e veprimit, përbajtjen dhe/ose formën e informacionit të shpërndarë dhe/ose kohën kur është shpërndarë.
4. I Licensuari do të hartojë dhe do të paraqesë pranë ERE-s procedurat për të siguruar zbatimin e kësaj pike. I Licensuari do të ndërmarrë çdo hap të nevojshëm për ta ruajtur informacionin konfidencial në posedim të të Licencuarit dhe për t'i raportuar ERE-s në përputhje me obligimet e paraqitura në këtë nen. Politika e konfidencialitetit e të Licencuarit mund të përshkruhet në programin e pajtueshmërisë, sipas Kushteve të kësaj Licence, dhe/ose akteve të tjera nënligjore. Politika e konfidencialitetit të të Licencuarit duhet të publikohet në faqen e internetit dhe të aksesohet nga çdo palë e interesuar.
5. Informacioni i dërguar ERE-s nga i Licencuari do të konsiderohet publik me përjashtim të rasteve kur me kërkesë specifike të të Licensuarit, ERE me vendim përcakton që ky informacion është i natyrës pronësore dhe nuk duhet të bëhet përhapja e tij në publik.
6. ERE ruan konfidencialitetin e Informacionit të Ndjesëm Tregtar të siguruar nga i Licencuari sipas afateve dhe kushteve të përcaktuara në legjislacionin në fuqi.

Pjesa e Gjashtë

Neni 17 Amendimet e Licencës

Amendimi i Kushteve të kësaj Licence do të bëhet në përputhje me “Rregulloren për procedurat dhe afatet për dhënien, modifikimin, transferimin, ose heqjen e licencave në sektorin e gazit natyror dhe nenit 28 të Ligjit Nr.102/2015 “Për Sektorin e Gazit Natyror”.

Neni 18 Vendosja e masave administrative dhe Heqja e Licencës

1. Nëse i Licencuari nuk përbush kushtet e kësaj licence, ERE mund të aplikojë masa administrative, sipas nenit 106 të Ligjit Nr. 102/2015 “Për Sektorin e Gazit Natyror”, dhe “Rregullores mbi kushtet dhe procedurat e vendosjes së gjobave dhe masën konkrete për çdo shkelje”.
2. ERE mund të heqë Licencën, në përputhje me nenin 27 të Ligjit Nr. 102/2015 “Për Sektorin e Gazit Natyror” dhe “Rregullores për procedurat e heqjes së Licencave në sektorin e energjisë elektrike dhe të gazit natyror”.
3. Në qoftë se i Licencuari ndryshon statusin e tij ligjor, ose strukturën e kontrollit të interesave të aksionerëve pa autorizimin e ERE-s, Bordi i ERE vendos shfuqizimin e vendimit të licencimit dhe Licenca bëhet e pavlefshme. Subjekti pasues i të Licencuarit duhet të aplikojë për një Licencë të re, në përputhje me “Rregulloren për procedurat dhe afatet për dhënien, modifikimin, transferimin, ose heqjen e Licencave në sektorin e gazit natyror”.

Neni 19
Zgjidhja e Mosmarrëveshjeve dhe e Drejta e Apelimit

1. Çdo mosmarrëveshje ndërmjet të Licencuarit dhe çdo Përdoruesi të Sistemit të Transmetimit, apo ndonjë personi tjetër që lidhet me aktivitetin e Transmetimit, ose Kushtet e kësaj Licence do të zgjidhet me mirëkuptim, në përputhje me Legjislacionin në fuqi.
2. Në rast se nuk arrihet zgjidhja e mosmarrëveshjes me mirëkuptim, atëherë bazuar në kërkesën e çdo pale që është pjesë e kësaj mosmarrëveshje, ERE nxjerr vendimin e saj në zbatim me nenin 98 të Ligjit nr. 102/2015 “Për Sektorin e Gazit Natyror” dhe “Rregullores për Trajtimin e Ankesave të Paraqitura nga Klientët dhe për Zgjidhjen e Mosmarrëveshjeve midis të licencuarve në sektorin e Enerjisë Elektrike dhe të Gazit Natyror”
3. I Licencuari mund të apelojë vendimin e ERE-s në Gjykatën e Administrative Tiranë.
4. I licencuari ka detyrimin të zbatojë vendimin e ERE deri në nxjerrjen e një vendimi nga Gjykata kompetente mbi kërkesën dhe shqyrtimin e vendimit të ERE.

Aneksi përkatës:

Të dhëna të përgjithshme mbi Sistemin e Transmetimit të presionit të lartë të Gazit